



NÁKATAWÉNITA PITAMÁ MWÉS WÍTAMAN KÉKWÁNA

Kéki isícikeyan ká isi wítakit ókok Facebook, Media Smarts éko Aboriginal Peoples Television Network ká iticik



Tápitaw kipéténaw óma ká pakitinaman kékwána ta mékiyan anima éminwásik ta isíciániwak. Ékwánima ési minwásik anohc ká kísikák oki oski ápacitáwina ká takoki, piko ispík kikakí isitisayamawáw kékwána éténitaman wéká kicakástésimona anikik kícéwákanak wéká piko ana awiyak.

Wésám piko mána kici kékwán anima ká itócikáték, ta wítak awiyak kékwána. Máka wina kisáspin éká nanákatawénitamani kékwán óma káwí wítaman wéká káwí wápatiniwéyan apók étoké kikaki pici wísakáspinatáw awiyak wéká kika pici wanitotawáw awiyak óma ká itótaman. Éko mína kiskisi anihí kékwána ká wítamawacik wéká ká wápatinacik kícéwákanak wístawáw takí ati wápatiniwéwak ékwani pakanta ité isi. Ékwánima wéci kisténitákok óma ta nákatawénitaman pitama mwés nántaw ati masinayaman wéká ati nókotiniwéyan kékwána.

KÍNA KITIPÉNITÁWINA KITAYÁNA

Kisáspin ká pakitinaman kékwána ta wápatatik awiyakak – tápiskóc ki cakástésimona wéká ité kéki isi ayamihikawiyán – nákatawénita piko ana awiyak takí wápatam anihí éko piko takí ati itápacitáwak.

Éko mína, móna minwásin ta masinayaman wéká ta nókotáyan kékwána mékwác é mósitáyan nántaw itamacihowin – tápiskóc ká kisíwénitaman wéká ká sakaténitaman wéká ká osámi mócikeyákosiyán nántaw isi. Pitáma acinaw api ta nákatawénitaman éko ékota kika kisénitén máti kawisk anima ékosi ta itótaman.


Ékota oci, kakwécimisow:

- ✓ Ékosi ná óma ká isi natawénimacik anisininiwak ta wápacicik?
- ✓ Takí ápacitáw ná óki awiyak nántaw ta isi wanitótawit? Nikaki kisíwénitamihikon ná kisáspin kotakiya awiyaka ati wápatináci oki?
- ✓ Tánisi máwaci kéki isi macipaniki kékwána kisáspin tápwé wápatiniwéyáni óki?

Kiwíniwin ká ápacitáyak ta pítoképéhosoyan móna kakinaw awiyak takí kiskénitak ékwánima:

Ocitaw átit kékwána kitayán piko náspic ta nákcitáyan awina káwí wápatinat ékwani. Áskaw aniki kícéwákanak káki wítamawacik ta isi ápacitáci ki wíniwin mékwác ká minwákótowék éko ispík ká macipahitowék ékwáni takí ati maci ápacitamónik ékwánima nántaw ta isi mánáspinatis.

Náspici itámakwana anihí pákaci ká otinikátéki cakástécikana: Átit ókik ininiwak é iténitakik óma ká nókotáci wéká ká wápatinacik émoséskatécik ta wápatinaminít anihí káwí wícimosicik – wéká ká kakáwátát ta wícéwát – ékwáni anima ékosi ocitaw é isi tépakéniomot ta isi pakitinisot ta isi wápacit. Oci nákcitá éko nákatawénita óma káwí itótaman – tánisi kéki ati ispanik ispík póni wícéwitowéko.

 **Kiskisi anima kisáspin natotamáski awiyak máti kéki ápacitát ki wíniwin éko mwác kicíkamacihon ékosi ta itótaman kititapin anima mwác ta itat. Kisáspin kisáskihikawin éko ki kisténimikawin móna awiyak nántaw takí isi nakitisayos ta itótaman kékwána wéká nántaw ta isi maci asotamás éká ékwánima ta itótamani ká itis.**

Aspin, máka ocitáw nántaw ité takon kítwám ta nókotániwak: Átit óki cakástésimona ápacitáwina éko oci ayamiwina itastéwa óma sémák takí kicistahikátéki kékwána wéká takí kásipéyamwak ékwáni sémák. Máka mína pakán takí isi kinawápacikátéwa anihí – kitaki misiwé cakéstésimikawin – éko kiyápic kititapin óma ékosi ná ká isi nóté wapamikawiyán.



Facebook WÍTAMÁKÉWINA TA ITÓCIKÁNIWAK:

1

Kiwíniwin ká ápacitáyan ta pítoképéhosoyan móna kakinaw awiyak takí kiskénitak ékwánima. Káwina awiyak mín kiwíniwin ta ápacitát. Tánisi mína awasimé kéki isi nákcitáyan kitayána óté itápi: facebook.com/help/securitytips

2

Kítwám kinawápata tánisi étastéki anihí ki tápacitáwina óté facebook.com/privacy máti awina kéki itápi ita ta kakwé ápacitát nántaw isi.

3

Tápitaw itápi kékwána káwí nókotáyan anta Facebook ta kécináhoyan ana káwí isitisayamawat wína piko ta otitkot ékwánima.



KOTAKAK ININIWAK OTAYÁWINIWÁWA

Wésám piko tápitaw óma kékwána kápé isitisayamákawiyán móna nántaw iténitam ana kápé isitisayamás anihí kotakak awiyakak ati wápatayatwáki ékwani. Kisáspin mwác ki kécináhon óma takí itótaman, kítwám pitamá nánákatawénita mwés nántaw itótaman. Apók nawác taki minwásín, ta kakwécimat ana kákípe isitisayámás anihí máti kéki wápatiniwéyan pakánta ité isi. Ékwáni péyakwan anihí kotaka cakástásimona kákípe isitisayámákawiyán, kakwécikémow pitamá máti kéki ápacitáyan pakánta ité táti wápatiniwéyan ékwani.

Kisáspin wápatiniski awiyak kékwána éko kotak awiyak ita ácimáw wéká nókosiw, kakwécimisow óki:

- ✔ Ana kákípe isitisayamás anihí kí itwéw ná nántaw máti kotakiyak awiyak kéki wápatinawacik ékwéniw?
- ✔ Kí pakitinikowak ná anihí anta ká ácimimit wéká ká cakástésininit táti wápatináníwak anima?
- ✔ Tánisi nína ta itamacihotiy ati wápatiniwét kékwána nína ita énokosiyán wéka écakástésinán éko éká é oci tawinamán ta itócikániwak?



Kisáspin anihí ká otitikoyan éko nántaw isi macinákosiw wéká macacimáw awiyak, wéká nántaw ta isi nanépéhihikot wéká nántaw ta isi picí wísakáspinatáw ékwéniw oci kisáspin wápacikáténíniki, káwina nántaw ati isi wápatiniwé anima. Ana kákípe isitisayamás anima apók étoké éki kakwé wawiyatwét piko, máka ocitaw áskaw anihí wawiyatwéwina kisáspin pakán awiyak wápatáki ékwáni pakán wína ta iténitam éko táti nántaw isi kakwé wísakáspinatéw anihí anta ká nókosinít wéká ká ácimimit.

Miscet ókik ininiwak – wáwís ókik oskíníkiwak – ésíkimikocik anihí wícéwákaniwáwa ta nókotánit é nókosininit émoséskaténit anihí wícimosa wéká wícéwákana. Kita ániman náspic éká ta tápwétawacik anima ká itiskik ta itótaman, piko máka ta nánákatawénitaman tánisi ké isi wísakáspinatit nókosici ana kícimos/kicéwakan é moséskaték mitoni.



KÁ KAWÉSKWASTÁNIWAKI KÉKWÁNA KÁ WANÁPANIKI

Kakinaw awiyak áskaw mána wanitotam kékwána. Máka wina ocitaw móna nántaw kikaki isi nakáskákon ta mínwastáyan anima kákí picí wanitótaman.

Kisáspin kíkí ácimón wéká kíkí wápatiniwán kékwána áta káwina éki itikawiyán ayíw máwaci nistom kikakí itótén, ana kákí isitisayamawat anihí kiyám éká táti wápatiniwét pakánta ité isi.

Kisáspin pakán awiyak kákí isitisayamawat kékwána ati nókotáw pakánta ité isi, natawi kakwécim máti kéki kikaténak ta kicistahikáték ékwáni isi misiwé. Wésám piko tápitaw itócikániwan ékosi sémák. **Kiskisi éká nántaw ta itótaman mékwác ká kisiwásiyan:** pitama póni kisiwénita éko natawi kakitos ana ininiw káwí kisiwénimat anima oci.



Kisáspin mwác wítápwétam ta kikaténak anima kákí isi kakwécimat, kawina wina kína ati nókotá wéká masinaya kékwána kákípe isitisayamás ana wéká ta kakwé sá sékimat nántaw éwí maci itótawat wéká kicéwákanak ta natawi mámahókawácik ta wísakáspinatácik nántaw isi. Éko mína, awasimé kékwána táti macipáninwa. Éko mína kotak kékwána, kiyám piko inikok wí kakwé wanitótawat, awasimé nawac kitati isinákocikán tápiskóc kína anima ki titótamowin.

Kisáspin kinókosin nántaw cakástésimonik éká é cíkénitaman, kiskisi anihí átit ékotowa ápacitáwina ki tawinamákon ta kicistahikáték ki wíniwin éko ki cakastésimon anta oci. Anta Facebook, kikakí kinawápatén pitamá mwés ati nókoki anta ki tápacitáwinik kékwána éko óma kikakí ápacitán ékosi isi facebook.com/privacy.



Oci nákatawénita!

Kisáspin kinokosin wéká ki tacimikawin anta Facebook éko mwác kinoté nantaw itaw awiyak wéká mwac ki kiskénitén tanisi ta itat, Anta Facebook takon ké isi ácimónániwak kékwán, ta wítamákoyan kéki itótaman wéká ta isi miskawat awiyak, okiskinawámákéw, kícéwákan ta wícihis ékwéniw oci.

Kisáspin ki kici wanitótákawin tapiskóc é ápitawi wéká é misiwé móséskátéyan é cakástésinan, éko ki macinákonikon (kisáspin mwác tápwé wéká nántaw ki tisi wanáhikon kitatoskéwinik) wéká ápatan nantaw ta isi mánénimikawiyán wéká ta kakwé wanitótakawiyán, kikakí kakwécimáwak ánikik ká paminakik ékotowa ápacitáwina ta kicistayakik anima kiwíniwin éko anta ká nókosiyán cakástésimona. Éko mína ékospík óma kikakí wítamawáwak simákanisak anima.




Kisáspin kipé manénimik awiyak éwí nókotát anima ká isi nakosiyán cakástésimon éká kotaka ékotowa isitisayamawaci – kikakí wítamawáwak awiyak kawisk ká kiskénimat wéká sémák kikakí wítamawáwak simákanisak. Móna tawinikátéw óma awiyak ékosi ta isíci két éko mína atit óki okimáwaskíya kikakí wanásowátikawin tápiskóc isi kici wanitótamowin.



Tánisi kéki isi ápacitáyan anima Káwí Ácimónániwaki Kékwána Ápacitáwin

Ta kiskénitaman awasimé tánisi ta isi ácimoyán wanitótamowin anta Facebook, óta kikakí itápin facebook.com/report.

Kiskisi, móna piko kína óma ká ispanihikoyan – kikakí kakitotáw awiyak, okiskinawámákéw, okakwéskwéwéw, kayitáyátis kawisk ka kiskénimat wéká masinahikanok kikakí ayamitán ta oci wícihikawiyán.



KÁKÍ PÉTÁT ÓTA ÓMA:



AWASIMÉ KÉKWÁNA NÓTÉ KISKÉNITAMANI ÓTA ITÁPI:

MediaSmarts
mediasmarts.ca

Facebook mámahótéwin kawisk nákatawénimowin atoskéwikamik (Facebook Family Safety Center)
facebook.com/safety

Kitimahowin ké isi nakáskikáték itótamowina
facebook.com/safety/bullying

Facebook oci wícihitowiyán (Facebook Help Center)
facebook.com/help

Aboriginal Peoples Television Network
APTN.ca